



Број/Број: 03-/4-50-1-10-15-12/8
Сарајево/Сарајево: 15. 10. 2008. године

Z A P I S N I K

15. sjednice Zajedničke komisije za evropske integracije Parlamentarne skupštine BiH, održane 23. 9. 2008. godine

Sjednica je počela u 11 sati.

Predsjedavajući Halid Genjac sazvaо je 15. sjednicu Zajedničke komisije za evropske integracije Parlamentarne skupštine BiH.

Sjednici su prisustvovali članovi Zajedničke komisije: Halid Genjac, Drago Ljubičić, Šemsudin Mehmedović, Zoran Koprivica, Alma Čolo, Branko Dokić i Rudo Vidović, te Vlatka Dangubić, sekretar Zajedničke komisije. Azra Hadžiahmetović, Ivo Miro Jović, Selim Bešlagić i Milica Marković opravdali su odsustvo. Sjednici je prisustvovao i Fadil Fatić, šef Pravne službe u Agenciji za statistiku BiH, u svojstvu predlagača zakona, te predstavnici OSCE-ovog Programa jačanja zakonodavne vlasti, Centara civilnih inicijativa i predstavnici medija.

Sjednicom je predsjedavaо predsjedavajući Zajedničke komisije Halid Genjac.

DNEVNI RED

1. Usvajanje Zapisnika 14. sjednice Komisije;
2. Razmatranje Prijedloga zakona o izmjeni Zakona o klasifikaciji djelatnosti u BiH radi davanja mišljenja o principima predloženog zakona u skladu s članom 101. stav (2) Poslovnika Predstavničkog doma PSBiH i članom 95. stav (2) Poslovnika Doma naroda PSBiH;
3. Tekuća pitanja.

Ad. 1. Usvajanje Zapisnika 14. sjednice Komisije

Nakon što je jednoglasno usvojen dnevni red, prisutni članovi jednoglasno su usvojili Zapisnik 14. sjednice Komisije.

Ad. 2. Razmatranje Prijedloga zakona o izmjeni Zakona o klasifikaciji djelatnosti u BiH radi davanja mišljenja o principima predloženog zakona u skladu s članom 101. stav (2) Poslovnika Predstavničkog doma PSBiH i članom 95. stav (2) Poslovnika Doma naroda PSBiH

Predsjedavajući Zajedničke komisije Halid Genjac upoznao je članove Komisije s Prijedlogom zakona o izmjeni Zakona o klasifikaciji djelatnosti u Bosni i Hercegovini, koji je utvrđen na 52. sjednici, održanoj 12.6.2008., i upućen Parlamentarnoj skupštini BiH, uz prijedlog da se razmatra po skraćenom postupku. Kolegij Predstavničkog doma na 34. sjednici, održanoj 3.9. 2008., usvojio je zahtjev predlagača za razmatranje Prijedloga zakona po skraćenom postupku u skladu s članom 126. Poslovnika i kao nadležnu za Prijedlog zakona odredio je Zajedničku komisiju za evropske integracije.

Fadil Fatić, šef Pravne službe u Agenciji za statistiku BiH, obrazložio je razloge za donošenje Zakona koji je zasnovan na novoj svjetskoj klasifikaciji djelatnosti Ujedinjenih naroda ISIC Rev.4 iz 2006.godine, te postojećoj evropskoj klasifikaciji djelatnosti NACE - Rev. 2. Pravna osnova je Uredba Komisije (EU) br. 1893/2006, od 20.11.2006., o statističkoj klasifikaciji privrednih djelatnosti u Evropskoj uniji NACE Rev.2.

S obzirom na to da se radi o preuzetom evropskom standardu, svaka promjena klasifikacije NACE povlači za sobom i promjenu klasifikacije djelatnosti u BiH, tako da je neophodno usklađivanje predmetnog zakona s navedenim propisima.

Donošenjem ovog zakona bit će osigurana primjena jedinstvenog standarda – klasifikacije djelatnosti na teritoriji cijele Bosne i Hercegovine, kao i osiguravanje uporedivosti i kompatibilnosti statističkih standarda Bosne i Hercegovine s EU (preko toga i s UN-om).

Nakon razmatranja navedenog prijedloga zakona, Komisija je dala

MIŠLJENJE

o Prijedlogu zakona o izmjeni Zakona o klasifikaciji djelatnosti u Bosni i Hercegovini

Vijeće ministara BiH je, 30.7.2008., Predstavničkom domu Parlamentarne skupštine BiH dostavilo Prijedlog zakona o izmjeni Zakona o klasifikaciji djelatnosti u Bosni i Hercegovini (u daljnjem tekstu: Prijedlog zakona) za razmatranje po skraćenom postupku.

Predstavnički dom Parlamentarne skupštine BiH je, na 34. sjednici, održanoj 3.9.2008., usvojio zahtjev predlagača za razmatranje Prijedlog zakona o izmjeni Zakona o klasifikaciji djelatnosti u Bosni i Hercegovini po skraćenom postupku.

Komisija je konstatala da je, shodno odredbama člana 98. stav (2), dostavljeno mišljenje Direkcije za evropske integracije BiH u kojem je istaknuto: „U konkretnom slučaju ne može se pozvati na *acquis communautaire*, ali imajući u vidu povremene izmjene do kojih dolazi u evropskim klasifikacijama (NACE) i međunarodnim klasifikacijama djelatnosti (ISIC), mišljenja smo da će navedena izmjena doprinijeti boljem definiranju osnova usaglašavanja klasifikacija djelatnosti BiH s evropskim i međunarodnim standardima“.

Zajednička komisija za evropske integracije je, na 15. sjednici, održanoj 23.9.2008., u prisustvu predlagača, kao nadležna komisija, razmatrala Prijedlog zakona u prvoj komisijskoj fazi i nakon provedene opće rasprave jednoglasno:

- a) prihvatila principe Prijedloga zakona,
- b) ponuđeni tekst Prijedloga zakona uputila u daljnju zakonodavnu proceduru.

Sjednica je završena u 12 sati.

Predsjedavajući
Zajedničke komisije
Halid Genjac